

石雲山人詩集

石雲山人詩集卷十四

趼舍詩存

庚寅九月後

南海吳榮光伯榮

余自道光戊子秋擇地經營兩先塋歷覽西樵
石門潯峽嘉桂白雲羅浮諸山趼足兩載幾及
百舍祁寒暑雨不敢告勞每于勝境流連處一
一記之庚寅釋服後擇其最名勝者補作詩若干首附以往返新會花縣鶴山祭掃祖墳及訪
友題圖之作名曰趼舍詩存

西樵白雲洞瀑布

亂樹雜遝天吹風但聞潺湲何處窮猿探猱度忽得路
巨石爲我開穹窿爲篋接天垂匹練直瀉幽澗搖清沖
澗深橋斷不可越我欲跨之雲濛濛霜霰霏霾仄雷霆

怒與我眼耳爭明聰大磬凌空草淒緊峭壁殘刻苔殷

紅此地此水此日月幾經亭館幾株蓬惟有滔滔逝者

無初終使我兩載詩境與畫境欲尋二子冥飛鴻

戊子十一

月同游者李厚甫布衣竹香家弟均先後作古人矣

雨中游翠巖

樵山長飛冬月雨天爲斯巖留晚翠兩厓中斷開雲郤

游人欲與雲爭地青蓑綠箬帶雲來雨聲泉聲眼耳鼻
蒼茫烏利仙人蹤冷落朱明丞相字

翠巖二字明
方獻夫題

亂磬

飛練碧皆響古潭搖空黝自媚盤桓紆曲下復上萬雲
透光一身寄忽然出險得開朗青送羣峯七十二夕陽

澹影雨乍迴樹色餘寒雲不潰今宵襍被宿深林恐有

客星驚老魅

嘉桂嶺雙瀑

研確迸火驕陽昃秋風吹蒼懦無力危磴巉巖我獨來
四圍琴箏天改色半天忽下雙龍翔西與暴鬢爭炎涼

老蛟攀鱗蟒接鬱各向左右相分張神仙元女左右飄

長江大河南北條

瀑布一
南一北

欲溯而上凌九霄飛霜濺雪

不可竟到我衣褶虛刀調淒寒幾日入山骨秋氣爲爾

深且窄遠憶匡廬漱玉亭老樹留人看潭月

嶺樹皆爲
樵子所伐

無一存者

石門同用杜工部曲江韻二首

一門長送海潮春橫海將軍有幾人百粵風雲懷眞鼻
三江烟月到船唇野花寂莫理銅鼓芳草淒涼對石麟
千古蛙爭蠻觸地青山如笑着吟身

竟日江風吹我衣
古人何者與同歸
威公運甓流光在
廉吏沉香逝水稀
郊壘每防危石聚
樓船猶見怒濤飛
西華古寺論灰劫
莫把安邊往事違

摩星嶺

初瞰頽山巔下方晦未已
對面白雲來漫空任迤邐萬
笏出烟海汨若波濤起天南
奔羣峯天北尊一嶠此嶠
高而平峯峯氣如委其東有覆簣
先瑩在龍公塘乃是吾岵屺

將游羅浮舟泊東浦和樸園弟韻

問訊羅陽道須遲半日舟客心千洞壑此地一淹留江
月照人淡山花如我幽蓬萊今夕夢依約見南浮

再和樸園

尋山孤棹水之涯新月初弦鏡半揩蘇鄜烟霞誰獨勝
機雲文字我同懷春光料峭連村到夜色冥濛眾壑偕
此去冲虛仙路近會須攜手訪洪厓

望浴日亭和東坡韻

萬家烟樹早韶天重溯前游黃木灣卅載悵心新石墨
三十年前全拓亭碑入全金石錄一亭迴首好江山每看烏足驚華鬢

曾向龍鱗識

聖顏稍待滄江卧方起紅輪高捧照人間

人日羅陽道中四首

料峭東風賣菜辰山家門戶一時新朝來喜傍羅陽水
洗我勞人卅載塵

沿畦曲折復榮紓昨日人傳九子墟山外孤村村外市
山田春事問何如

幾處山村喚鵠鵠麥苗青已到烟蕪羨他好境依山住
二頃良田買得無

此行真合擬游仙仙在蓬萊左界天天下春光今夕夢
多防夢醒墮塵緣

自石龍至沖虛觀

庚寅正月
初七日

維舟晨戒行水際競喧豧謂我人舉肥不必問邱壑舍
輿易藍輦與汝便腰脚行行朝暉滿衣褶東風弱七日
春帖新萬郢燒痕薄心知山水聚餘氣富坻崿大地高
勢隱但見瓊如錯坐我老榕下指點雙影落以茲地層
累漸見天森削四百仙峯綠五百華首約仙人招我來
千古雲漠漠不見入山深惟見守丹鶴

丹竈西北雜樹成林中達曲徑徑盡得巨石巖榕
根盤匝坐者六人各賦一詩

雲卧空山起言拾丹竈泥丹竈人已往鹿跡在幽蹊沿
蹊事採討草棘墮高低流水日初出人影與之西水盡
石乃聚一壑迎朝暉朝暉尙未高嵐氣浩如霏榕根下
紛擎與石相排擠掃石坐榕下偃蹇天一圍各有山水
緣悠然澹忘歸

獅峯東南數里許雜樹荒翳中有一線可達沿樵
徑而上至麓得泉源洞去洞數十武有巨石平

坦可坐數十人

獅峯高昴藏直下送羣青青在眾雲脚雲氣何冥冥中
有古洞壑樹色聚幽冷萬古不見日惟見神霧局我行
攀援上泉流憺心靈荒烟落葉深微聞宿莽聲出谷視
天際豁然常惺惺欲招洪厓仙貽我絳宮齡坐我青霞
石誦我黃庭經

沖虛觀西二里許爲紅花坑會仙橋澗水注之中
有數十家多織蝶繭者見外人輒喜爲買仙繭
數匹繭窠數十枚而去

冲虛觀西紅花坑老樹雜亂一水橫水石自閑好日月
山川誰問春燕鶯有人尋花傍水行花開花落村茅衡
自言曾供葛黃役婦織蝶繭男出耕須臾軋軋聞機聲
昨日五匹織旣成旣成與我安且吉尙餘窠繭中縮瑟
是日春氣逗織室歸來急爲道服謀服看蘇蘇大蝶出

白鶴觀用東坡先生韻

鶴去坡亦老後者誰能詩茲觀况荒廢詩意隨所之一
杯羅浮春五詠杞菊思飲啄不自謀游觀惟其時自我
入山來山水當在茲欲學陰長生求仙恐吾欺

由延祥寺至寶積寺遂登羅漢巖刻石

綠陰匝匝闔黎宵無數陂陁萬松篠中通一徑接翠天
雲臥僧籬報春曉僧籬導我曲折上兩耳濤聲忙不了
豈無通靈七葉草亦有先願五距鳥祇林終古亂山蒼
黃廿三寸開延祥延祥之後爲寶積旁有景師泉卓錫
言尋洗藥池復登羅漢石回頭漫漫不可識萬磐陰沉
天一碧一磐如巖中可席同游聳我磨厓鐫大書深刻
霏雲烟欲與來者參書禪何人夜來偈四萬有八千我
書何敢登山巔眾峯低首冰輪圓

試卓錫泉

綠雲深處夕陽鮮萬樹中圍卓錫泉八德清甘長壽水
六人童冠早春天會供香積三千眾寺僧云可食三千人欲叩雲
英第幾仙滿勺孤臣重有感卅年心跡似枯禪

月夜自延祥寺回冲虛觀

伊蒲飯初罷曲折沿山陘暖月始出莫莫雲俱停村
巷閟幽峭樹色森精靈衣袂斜霏寒泉石餘音冷萬籟
忽希微羣山羅尹邢麻姑故狡猾夜歛長眉青西望梅
花村美人遞遙馨老人乃高坐探手得大星此星自千

古與月相晶熒照我千山來來叩仙人局

由沖虛觀東南數里入朱明洞遂觀五龍潭瀑布
耀靈仙人不可作老雲東來飛白鶴

其東爲白鶴觀巖深樹曲

流水聲行行忽見五龍躍是日卓午天無風日光直射

水晶宮一潭終古照寥泬其外九地奔靈霍千鑿萬鑿

不可度挾電走雨伊誰功春來山田方待澤徑欲翻海

泉源通黃利飛劍崿康弩頃刻溟溟羅陰重回頭天宇

靜不極左界三峯開遠碧九天銀漢欲窮源上有水簾

森百尺

將至華首臺二里許喬松蔽日泉石幽窈命之曰

萬松徑

我行兩山中綠與僧舍聚茲來綠逾多乃被萬松據窈
窅一線通上有梯雲路赫赫驕陽隔沈沈窮陰沴吹寒
及衣袂浣碧到巾屢人語蒙密隱筇影曲折赴磋峩見
石門急過防合仆逕欲問鴻荒何時豁雲霧石氣長眾
草澗聲老羣樹杜鵑萬吭急山門日已暮

合掌巖

萬石與萬松到此勢愈鬱松卑石乃高于此得石窟兩

石尊並峙能以二合一中容數武寬太古闊雲日日光
憺心魄雲氣寒腰膝塞誰五絲舞豈我一珠乞稍憩輒
引去恐作掌中物

由華首臺至洗衲石小酌

松風吹我衫猶綠雨花橋東趁飛瀑沿橋得覓覓得徑
水石與我快心目知水聚石亦聚眾水讓此一石巨
上接羣蒼巒天下窺四面玻璃渚箕踞忽有披襟風
影沖濬萬壑通橫霏組練詩囊外近送琴笙酒盞中
攬巾流水日將夕此酒旣醉天地碧五百真人來不來

惟餘老僧洗衲石

由黃龍觀至流杯池小酌題石

萬蒼復合蔭一徑織翠幕上接青霞天下有黃金礫鳥喧雜人語深處不可覓忽聞流水聲一衲出寥闊導我入諸勝指點恣登厯風澹古洞幽石老丹房寂何年黃龍去萬古此樹色虛無霸主夢壯麗離宮飾天華等刦灰山靈幾日夕惟餘野人字漶漫我能識攜樽出洞門列坐據大石飛泉九天下左右照杯席去則萬壑滿來以盈科積命之日雲白來去一損益扶醉下巖巉山深

暮林碧

雲谷

亂石氣如礫中圍小洞天雲心無去住谷口問因緣草色荒荒日林香瀲瀲泉不知今夜月誰此會羣仙

立春同人擬登老人峯客有先上者怖極幾不能下乃止

黃龍有東峯台背面海島天風從之來吹與淑氣早攜客試攀援探身事幽討言尋洪厓杖欲覓安期棗高標曲折層亂磴叢殘草近望雲中君咫尺眉髮皓有客奮

先登足戰心如擣鬼影伺分寸人語競慌慄同頭爲我
言臨危各自保凜然決欲返但見蒼蒼昊歸路問樵夫
笑我春未老

佛子嶼羅浮兩山分水處近人題曰分霞嶺

蓬萊左股去天咫浮來博羅氣東紫神仙之境不易到
盤桓度人如磨蟻我幸罡風吹不墮鍊橋橫繩供徙倚
千磴萬曲陟其巔眾籟浩浩天如庫忽然兩袂生層雲
對面疑我雲中君陽厓陰壑自日動左挹右抱青霞分
羅羅四百卅二峯峯高下紛相逢上界騎青羊下界

夢黃龍汗漫安期生，游戲浮邱公玉女。峯名

偃蹇老人

峯名

儻瑤臺石室長沖融，何年飛出大蝴蝶。茶田三百知春風，山合不復離水分。不復合朝朝嵐氣與，開闔排青擁翠。自在來佛火一庵棲，老衲老衲飲我元碧香。此水仙源高且長，元邱呼吸之瓊漿。泉從酈觀引至我望元邱遙送蒼仙人去我今何方，欲駕左飄徑東邁碧鷄。綠鳳同翔翔，偶然下向酈醪村。井沽千觴。

望飛雲頂

人間看似飛雲頂，誰識雲從頂下飛。萬水萬山通指顧，

一重一掩見依微陰陽翕闔天雙闕日月光明地九圍
徑欲乘風凌絕巘葛仙招手抱雲歸

酥醪觀

不信山中水作醅九霄香送左飆來仙家金液醞醣項
神女珠華智慧胎今夕月痕猶灑灑昨宵雲影定遲徊
太平旣醉人間福乞我酥醪露一杯

酥醪觀西南行六七里得長岡岡下有澗石竈在

澗下

日午西南行樹老萬山靜石氣麌鹿隱烟光筇笠靚繚

繡來琴箏沿洞度岡嶺臨厓走逼仄欲行各提警忽然
得雲莊快意稍游騁飛淙夾道隨餘濕入衣冷下有大
石竈云是古丹鼎千瀑注澗旋萬斛跳珠猛何年包混
沌餘波芽溟涬欲往訪遺跡陡絕况榛梗古有垂堂言
三復發深省命僕汲清甘燒葉試新茗天風送歸途夕
陽澹人影

甜茶

老衲惠甜茶茶香玉作芽亟將秦洞草來試定甌花禪
味波羅密仙緣萼綠華五千文字腹恐到晚唐家

仙桃

仙桃亦自潔碧實小于榛采豈洪厓子種應黃野人風
痕吹錯落露氣得圓勺吾笑東方老三千待好春

茶山證仙處觀瀑

眾蒼合巨磐縹渺接天漏百尺半空來飛出白龍瘦曲
折四五疊旣隱仍復透下有洗頭盆玉女照娟秀泠泠
漱玉音滅滅霏雪竇春氣入山骨仙液鍊雲勝潭影虛
明心日光太古溜泉石不改色草木自昏晝烟霞空山
老歲月野人壽何當坐澄泓今夕看列宿

欄石水觀鯉魚石

終日畫雲烟不如真山水山低得水渦湧洞聚清泚大
地石陂陁起伏盡一里萬蒼環飛淙照我好巾履長風
浩水雪餘韻送角徵蒼茫覓仙蹤出水遺赤鯉此鯉與
此水相望勞未已急欲追詩逋歸來伸筆綺

梅花村

盡欲依花與結隣蒼茫各自問前身地當淺水黃昏後
人立空山太古春昨夜寒雲曾有夢今宵明月斷無塵
賦梅未分心腸老三十三年墨尙新余廿五歲有賦梅圖迄今庚寅已閱

三十三
年矣

冲虛觀上元夕

四百峯頭幾點烟，看山綠與月俱圓。
誰家火樹銀花夜，此處鸞飛鶴唳天。
世外笙簫終縹渺，人間風露正嬋娟。
明朝歸去春光好，依舊紅塵抱足眠。

得嘉泰間施顧註蘇詩之後四年道光庚寅正月

載以遊羅浮山宿白鶴觀爲延祥寺僧載山手
書金剛經法施載山寫予小像附蘇詩冊內因

用三十七卷內白鶴觀新居詩陰字韻

樹影蕭蕭鶴在陰載書不覺入山深慚予滿月毗湧相
付汝閑雲般若心千載有人同寄跡一編何處叩遺音
夜闌奎宿光如炬定是先生拄杖臨

題漆東樵斬妖圖

陰風颸慘圍老屋花氣媚人毒于蝮丈夫手劍三尺寒
粉軟脂溫不敢伏憶昔春風客淀津深宵玉體來橫陳
我懷不喜亦不瞋但保七尺昂藏身杲杲日出虛無人
己巳余視漕津門正月下澣五鼓閉戶獨寢忽有美人
枕余左肘並卧公署多狐余知其善媚人不敢觸也以
右手自覆被而睡至天明並無他異吁嗟乎彼狐有恥此無度此事徑須

煩一怒

題楓林寄興圖二首

不到明湖六載餘近來秋色定何如四山黃葉人垂老
豈有林間未著書

我欲拈毫問大癡鬢華林影較妍媸文家變幻書家態
總在風霜漸老時

鮑秋田煮石圖爲鮑東方

鎮方

大使題

廉吏五羊郡君家得太元仙人傳道訣大海煮雲根圖
盡近詒厥謳思今有孫千餘年水石香浦在吾門

題黎二樵

簡

柳湖采菱圖贈葉春塘畫士

夢草

此

圖春塘舅家物春塘少時欲得之舅曰他日汝能畫當畀汝未幾舅没春塘購得索題

他日能畫當畀汝秋柳數行菱半渚迢迢二十載根塵
舅甥夜半紅燈語果然金碧李將軍今日歸來過眼雲
蕉夫之後有替人筆花付與春塘春春塘居子蘭陔潔
能以餘閒採畫訣手搦如烟筆一枝模山範水工羅列
昨夜空山風雨沸草堂四面流雲氣安得招君各相謂
左指澁濛釋巨然右呼蒼莽燕文貴人愛樵夫畫我愛

樵夫詩縋幽鑿險誰能爲此幅雖好筌與蹄况君山水
方來滋願合詞客畫師爲一手不師王宰師王維

題葉雲谷郎中讀易圖余廿年前欲本序卦以人

事證易參訂吉水楊氏所未及至今未就用此

發端

我憶研朱二十年因循何日竟真詮知君遠紹石林學
顧我猶慚吉水篇數點梅花開古月百莖蓍草引蒙泉
地山六吉人間事開卷得
謙卦好把盈虧問固遷

題金壽門梅花冊二首

曾踏羅浮四百峯
峯椒明月一相逢
歸來天遠雲寒候
忽有仙人翠羽蹤

此花端合置峯椒
底事詩人著意描
眼看百花生日近
後來無此好丰標

題謝樗仙山水橫看

幽亭傍水隈
有客卷初開
得意高秋樹
含情太古苔
雲烟歸畫境
草木有詩才
欲譜空山曲
抱琴人正來

題王石谷楊子西合作林曲牛犢

文繡在廟箱
在谷憐汝負重食
一斛俾汝放閑依水曲

怪哉寧戚徒碌碌長夜待旦苦不足詩人閱世知此意
爲寫陂陀閟叢竹斜陽澹澹風娟娟與汝優游免羈束
吁嗟乎人犧已犧意云何問汝疎林牛帶犢

題葉雲谷寄影圖

雙樹不改今古色古往今來無主客快哉蒼鬚蓑笠翁

獨立滄江天正碧誰逢佳士爲寫真寫得清溪瑣洞人

用唐開元贈葉法善詩

碧牕讀易研朱罷七尺絲竿裏一綸邢房

別有前身悟豈必拘拘憑尺素爲君題作寄影圖記取

當前好風露

補題番禺莊滋圃節相授經圖二首

手探芒寒北斗魁歸來貽穀盡英才賡颺臣筆諸兒得
黼黻經篇奕世開樹報音聲分省闔花名旌節遍瀛垓
天南休更論科目

余爲己未後進較公大魁之歲甲子一週

六十年前有上

台

經術嘉猷久不忘厥間吳楚祝馨香四傳風采魏公笏
謂范曾孫廷棨一卷歌詩召伯棠

卷中當時題詠多誦節樓功德

拱木好添新

石墨采蘋重紀舊星霜

余偕同人倡捐千金有奇修公墓並營葬公配楊夫人

年

來走徧三江水聞說詩書澤正長

題葉雲谷所藏賚石山農墨梅補和覃谿先生韻
是否花光老人法冰雪精神瑩照匣點椒攢瓣定何如

羹齋前條此後脅舞螭夜半忽雙起起吹霜氣散烟峽
我適蓬萊左股來翠羽夢回塵脚掃來訪君家萬花幹

筠清館帖勒成二首

三十年來故紙鑽每從檀蠟較妍妍到今手自供模拓
月印千潭若個圓

墨緣輸劫幾昏朝幸有靈光歸未凋留得山陰書派在

六朝人數到元朝

寄題梁芷林方伯重葺滄浪亭

雲臥兩年春睡覺

入

山竹樹明如濯三千里外悄懷

人迢遞吳門山一角山角近接滄浪亭與我水竹分烟

青七百年來好風月誰其主者梁先生前錢後韓紛赫

奕此亭乃以淮海名淮海之後宋中丞先生繼之滄浪

清萬樾再開南國舍一鏡常照康侯旌是時賓客山水

滋作頌果慰重來思

芷

林權臬事時初葺旋升方伯

手應風霜均草木

身關憂樂對淪漪我懷禾黍芃芃氣安得南行膏雨至

時頗望雨

陋邦亦自有林堂百花田西接花地暇或過訪野

人廬小隊郊坰看雲翠

舟泊龍山過訪怡可太史同游柳塘晚酌于汎香

齋別後以詩代柬

問訊西塘月相看幾夜明匆匆楓葉棹昔昔菊花羹
木懷名節風雲見性情交親無別語早出答蒼生

上甘竹灘

百夫競喧呶一水自騰遷灘下石如指與水互森削舟
借水避石水汹石倒却石退舟乃進水平烟漠漠曉聲

出灘市鄉味富魚箔白粲飯溲浮銀絲膾霏霍灘右好
箖箊昨夜風捲簾有人倚棹來江山數秋落

瀧澗岡謁七世祖墓

岡在新會縣西南鶴山界祖字乾達前明耆德

雲蹤與人蹤繚繞數十曲曲亘以高雲氣相滲漉山
聚似瀧澗天豁照微旭下視一雲海笏笏峯隱伏斗覺
衣袂寒蒼莽白日速故鄉懷先哲淳風被草木迢迢三
百年保此一簣覆山高水正長述德慚潘陸

新會西南山行

萬山初日照曨曨雲隱山腰路曲通絕頂草寒留霧碧

差肩樹老借霜紅下方古姓成邨落上界仙人自太空
準備探梅兼試險重關高處是南雄

余將北上

拜龜山九世祖墓夜宿月灣

問訊新夷水迢迢南海源一支先墮地九派後昆孫草

木百年色雲山四面邨三庚重話舊來叩月灣門

余以庚申

到此迄今庚寅廿一年矣

麥邨

四度重來四紀前傷心人又感梧捲麥收已薦新家廟

先太夫人見背三十
九年去冬始立家廟

榕老仍維古渡船閱世蘇程論後

輩幾年羅邵祀先賢閩東今夕書堂月定有歌思到逝

川先外祖梁戢菴先生知羅源縣及同知邵武府俱有惠政曾在羅源建羅川書院余藩閩時縣令率生童

立祠之

佛山二首

蒼茫海氣護桑田誰向西來卓錫先淨土隆安埋佛地
青山貞觀說經年鄉名忠義新籩豆世閱元明舊市廛
千四百春殘劫盡到今熙皞好人烟

衣冠佳氣接扶胥山色青環一渚居幾輩風流開里社
往時興廢問樵漁庭無響石梁儀部巷有鳴珂李尚書

回首昔人調鶴地竹深松老認吾廬

余所居爲前明洗少汾比部鶴園

石雲山

春風吹樹色青到數陂陁巖氣含烟潤嵐光得水多
地山卑自牧天海靜無波昨日看雲至溶溶釀太和

白雲山歌

昔日望白雲親舍在其下今日望白雲親墓在其下雲
來日日吹南風宰樹蓊森將拱把我廬近在雲之朔日
叫雙親九闕邈今宵或有魂氣來去天一握手雲一角山
陰長碧菖山陽飛白鶴我欲從之雲漠漠人間何處長

生藥與雲起卧垂三年好春如夢秋如烟過耳方啼鵑
到眼又寒蟬秋心欲別雲黯然願爲東西南北人守此
好墓田護此好岡阡闢風伏雨俱可憐右軍誓墓鳴不
平安石東山召則行我與二子殊晦明受

恩逾重身始輕豈有爲霖姿但言捧日情家

國去住相屏營出岫亦何常問爾山之英桂風蘿月自
皎潔蕙帳薜帷無悵驚人生際會古來有但須勿愧邱
園貞但須勿愧邱園貞他日歸來告墓下雲兮與爾長

楫同證安期生

同懷弟彌光樸園編輯

子尙忠春卿

尙志任卿校字

石雲山人詩集卷十四止

石雲山人詩集卷十五

京國入郵草庚寅辛卯
有序

南海吳榮光伯榮

余自嘉慶戊午計偕入京自是一奉典試兩次
述職三次省親往返三十餘年中計戊午十一
月庚申八月辛未二月丙戌六月四日廣陵丁
卯九月癸未十二月二由浙江壬午正月由福
建入京及今服闋由廣東入京凡八次矣因存
此次道中諸詩名曰京國入郵草齒髮漸衰山
川如故鴻泥雪爪用誌勞人時道光庚寅十月

廿九日

服闋八都留別四首

麻衣初脫問前津家國相憐去住人寢膳虛言三度省
鼎裯遺恨百年身風塵弟妹誰衰健文酒交游半故新
兩載棲遲八千路且留烟水話因循

一從籃輦記勞忙水繞沙環度夕陽趼足萬山南北墓
與撲園弟同經營先祖母及兩先人墳墓幾兩載
論心五夜弟兄牀感深同硯
身俱老謂芳舟弟吟到吹簫鬟已蒼
輯諸弟詩名日吹簫詩畧明發有懷
人漸遠白雲無盡與天長
先塋在白雲山北

忽驚廬墓幾春秋憶到將離訪昔遊風滿龍山人落帽

溫怡可招飲龍山鄉

月明羊石客維舟依依林杜中心好

屢寓葉氏風滿

樓杏杏蓬萊左股浮

曾游羅浮

多謝雲烟供滿篋攜來長證

舊林邱

謝里甫爲作羅浮觀瀑圖鮑東方陳理齋朱藕塘葉雲谷張南山葉春塘蔣蘋湖俱有詩畫贈

行

深重

君恩愛日經此行政告北山靈表阡身後

天加秩

己丑十月恭奉二品詰命

問寢生前

帝錫齡

榮光省親假滿入觀渥荷

只有

昇平須報答多慚筋力近衰零田園縱好他年事迴首
分江萬笏青

舟次三十六江樓與諸弟話別疊留別韻却寄兼

東田心書院學侶四首

兩江三十六江津江水滔滔送遠人杯酒連宵依繫影
風雲頃刻別離身卅年征雁星霜慣五度歌驪歲月新
最感膝前徂暑日丙戌六月朔日蒼茫海氣舊途循

倚棹江頭且勿忙登樓重與趁朝陽離心記補陔華膳
樸園侍先通奉最久
補予子職之不逮同夢期聯解舍牀諸弟有俟予得
缺後來署話舊

者此後身名須愛惜從前顏髮各青蒼孔家糧俸田家
樹他日歸來話正長

鄉志書成欲暮秋憑將此筆問交游風流舊有融願宅
月旦新參李郭舟但使里閭歸質正甯隨世俗與沈浮
田間他日論文地可憶挑燈讀索邱

出處那堪幾度經明明心跡草堂靈只懷

教孝重生日

余在黔藩任時得先通奉病信請告蒙天恩逾格給假歸省尋獲病愈實出

再造鴻慈
敢惜銜

恩五紀齡月滿勲賓兵氣靖

聞葉爾
義之捷

春迴蕭蓼露華零

余到京日正
值上元曲宴
迂儒正喜羣才備好看

皇州柳色青

清遠峽二首

兩峽奔一江滔滔者誰待常恐流有盡詎已四千載禹
陽事有無山色自碨礧蛾眉夜月影龍角朝霞采秋至
釣鷁鱠春來拾芝茝三度卅年游我亦鬢華改古懷如
雲烟詩心對天海欲叩飛來禪廓落一真宰

梁時年延祚宋代祀初武草木與山川以此供懷古問
僧僧行不言飛泉浩如雨淪我一杯茗坐我四禪土叢雲

阮逾徑亂石達摩堵美人已歸猿循吏或驅虎迢迢歲
晏心江頭數聲艤

英德至日

崕嶧歲月一陽回浩蕩關河四序催春氣已通江上草
天心遙問嶺頭梅幾家風俗人添線孤棹光陰客舉杯
我有烟雲才過眼書雲爲祝早歸來時失去宋元畫卷三

始興月夜十一月望

夜氣正微茫漁冷滙此方水涵山萬影星避月全光天
地扁舟大江湖別夢長偶然懷往哲吹到嶺梅香

大庾嶺二首

十一月十八日

炊烟暖山邨依約八十里盤桓復盤桓北去看雲起嵯
峨一峯尊合沓羣巒委澗聲與樹色送我出岷嶧豁然
天宇寬萬物歸顧指茫茫仙尉往厯厯霸圖圮惟見南
北衝幾輩宦游履寒燠我衣襟少壯我鞭捶白日照嶺
頭勞我將三紀昔有陟岵詩今惟告墓紙迴望四尺封
此身異鄉始

七度看嶺梅無如此度花

梅花

盛開此花非凡花開元丞相

家一陽發陰管

用杜句

萬樹開繁葩想當州領節再越省

宣麻獨立冰雪容清吟珠玉華乃知文章境亦以風度
嘉滄海人千秋曲江天一涯欲訪徐浩碑趁此日未斜
因公問出處公倘爲客嗟我才不足忌我遇甯足誇只
念教忠言常恐馬齒加有日拜公歸故山多烟霞仙鶴
九霄來好音毋我遐

餘干道中

石虹山下浪漫漫浪跡江頭歲已寒昔日卧薪嘗膽地
到今人尙說餘干

初月

今歲十三度初光
照客身關山滿風雪
霄漢數星辰桂樹
雲灣影梅花岸曲春
斲輪何日就辛苦廣寒人

鄱陽大霧

連朝盢盢天無風
大霧三日西江東一水
何心任搖蕩萬山欲睡相冥蒙
神仙騰駕此焉往今古茫昧將母同
可憐陳雷若陶范與爾聚散歸晴空

貴溪夜泊

暝色赴溪灣
溪林眾鳥還灘聲
此天地燈影幾
關山神石波濤大
仙巖歲月閉明宵
懷玉夢爲訴鬢毛斑

月夜灘行

水花如雪向人落上有孤月天寥廓冰稜石角相崢嶸
緯影篙聲互惶戛忽然舟過如奔雷主人一笑波濤開
吾生險境多奇境安得驚人謝眺來

懷玉山

唐才漸薄國運促玉溪之後得懷玉楊老一夢開西崑
宋初篇章典而縟是時天未起坡公山色照耀南浦東
詩人墮地卽上殿趙家天子呼神童彩筆飛騰千紙落
五年書命塵西閣用大年句杯酒雍容鳴鳳壇錢劉努力僅

酬酢風騷千古信情芳未薄六朝羅綺香欲問羽衣人
不見好山迢遞對江郎

西江得蠟石五供戲作長歌

雲山過眼日追悔不如袖中有東海海氣來灘起鬢雲
灘下雲根自嵬礧何年幾萬篙篙眼幾萬石幸不摧頽
渦戶闢或如五丁開或作巨靈擘拾來磨洗光爛然西
江秀氣照袒席一爲連理峯一寸爲雌二寸雄差肩如
削摩晴空其二好烟鬟萬山屬繹奔一山一山三成相
迴環其三巖竇闊小有洞天一而二洞口無人雲自翠

四若危岫何岌岌幽徑旁通互出入五爲湊合雙黃玉
洞庭東西各晡旭我行西江逐水曲山隨舵轉看不足
今茲得此數陂陀預卜他年卧游福道旁怪爾不自惜
供我烟霞到餐宿奇才豈免歎沙泥極品終須歸韞櫓
舊游近證五老圖故里長懷五羊穀詩成遙對水一方
恐有高賢尙林麓

衢州

廿年七度穀溪湄溪水滔滔最繫思終古寒雲姑蔑墓
三冬晴日聖人祠路催歲月蹉跎老客歷關津荏苒知

今夕爛柯山下過何人留戀看殘墓

桐溪夜雨

十二月十七日

釀雪忽成雨打篷聲跳珠夜深炯燈火歲晏渺江湖草木千巖潤風雲一瀨孤明朝拓牕看好彷富春圖

嚴陵灘

桐溪西去接嚴州千古高名一釣收畢竟先生心未隱誰能五月衣去羊裘

九里洲探梅

朝陰棹指桐溪曲溪氣逗春泛醞醕歲晏江頭天地心

昨宵雨過勞人躅登岸沿溪溪轉流一水迴環九里洲
烟霏霧屑吹不散引我第一邨東頭眾芳如夢一大塊
仙人招手遙相待上有光華妙鬢雲坐我溶溶香雪海
珠璀璨玉瓈各無言路人指我西家邨行到橫斜風滿徑
又逢清淺水當門香魂罨冉忽齊聚聚作五邨羣王府
只宜天上左右飈豈有人間烟火戶何來環珮珊瑚見
圍住瑤臺春一片曼立遠視紛千層層層對我開三面
萬樹花中萬喜神歸途送我詩境新與花欲別花難別
曾作羅浮酒肆人

題徐星谿協鎮慶超春波洗硯圖

慶超

我于有明一代論八法文董之外誰爲甲張弼廖輔紛
猖狂陳璧劉春亦羸尪不已甯取姜立剛星谿之書乃
與立綱近巨筆摩天供肘運大硯盈尺殊風韻去年示
我洗硯圖得我劣詩珍于珠我謂君硯洗更腴今年復
索洗硯詩人書漸老猶臨池挽強破的手段好落紙便
有英雄姿浙江春氣來三日廿二日
立春波影一泓奩一帙
詩成長水悄懷人風雪霏霏搖我筆

富春江雪

既雨遂成雪烟篷流有聲遠山已璀璨近水未分明灘影何人釣田膏異日耕七年鴻爪在問歲尚關情

杭州立春大雪

四百四旬廉使車匆匆重見舊州閭萬家都寫宜春帖
一水誰緘快雪書報稔蠶桑新歲彩消寒雞黍故人廬
張雲巢陳厚甫家段橋南接雙隄柳欲問東風再借居

梁茝隣方伯人日游石湖圖

我後斯游一載來雲烟到眼石湖開江山氣攬三吳秀草木春留兩宋才句仿十章茗水棹題拈七日草堂杯

伽楞峯影寒猶沴何意星臨照上台

陳憲章嘉禾圖爲潘功甫

會沂

舍人題卽和其韻

紀瑞秋風筆經三百載前喜君謀肯播

行區田法

示我好逢

年玉粒千箱裏金穰萬郢邊果然豐豫格

有豐豫庄

區田規條人

指及時田

潘功甫區田觀穫圖

風雪訪潘子示我區田集雪深風轉柔春事行將及心
心農祥正漸漸土膏濕三日計于耜千夫競徂隰伊維
有莘又劭農此法立地力區以代不代力不給稻氣豫

以培不培氣不翕并春而收秋種五田則十行之已二
年一過兩忙入秋風吹西疇潘子荷蓑笠田祖酒醴告
保介錢鑄執黃雲掃蒙茸甘露送厭浥汙邪旣滿車遺
滯亦盈笈乃知豐豫庄_名法豈獨一鄉邑他日我重來飽
煖萬家粒

召伯埭

東山卧起好經營百丈長堤築便成今日天南多召伯
幾人千載屬蒼生

維陽夜棹二首

殘燭照無睡急橈波有聲二分邗水月十里廣陵城花
已瓊臺換珠疑璧社明不勝懷古意浩蕩自宵征

尙憶

神州路二千程有奇迢遙清口驛寂寞露筋祠鶴馭誰
天上牢盆在水湄有人籌海切時星使查辦鹽務萬竈正懷思

淮安

淮水湯湯送早春漢家遺事已如塵三更孺子橋邊履
七尺英雄胯下身推食公終傷走狗運籌人自解圖麟
可知寵利居非易千古虧盈一大鈞

清江浦

七旬淹滯竟通津快意登程得上辛今日故沙河畔過
教渠官柳識勞人

宿遷再和

又向鍾吾驛問津長堤同軌忘去艱辛二千餘里盈旬
雪好把豐年告

聖人

鄧州

孤館琴書對短檠懷人何處下相城風雲項籍霸才死

俎豆韓稜循吏生澤國雙堤資保障河流千載費經營
東南轉漕喬吳跡欲溯鄰鄰江水清

大泉鹿氏莊石榴

最愛九窠安石榴宜春宜夏復宜秋天涯一樣鄉園樹
看到勞人漸白頭

雪後夜行得滕字

上有雲層下雪層茫茫天地玉壺冰依微月影春猶淺
隱約人蹤夜已澄一角白堆誰老屋四圍寒逼我雙燈
僕夫珍重迷陽路相送平安過楚滕

旅館羊棗

老屋門前羊棗枝昔賢遺事繫人思可憐實落餘風影
才過曾家奉諱時

平原口占

衛河之水接箕山伏湛蘇瓊去不還恩縣德州俱過了
幾人恩德在人間

德州望雪

我不惜行役苦願君得雪如塗土我不惜旅人貲防君
斗麥千錢時麥可稔收天不雪不雪則雨還豐綏胡爲

不雪亦不雨日日如熾乾風吹風吹到我衣恨不溟濛
如雨霏風吹到我足恨不清冷如雪沃雨霏雪沃農事
始何時早得扶犁水若待高田黃埃下蒼耳此際救民
民何裨不必犧牲禱不必采葑雚籃輿中亦有天地洗
心同患爲嗟吁安得一氣相涵濡上尺下尺煦而蘊載
芟澤澤耕膏腴使我拖泥帶水重來乎看君萬頃黃金
鋪與君十千沽酒同大餉

由雄縣至新城大雪

陰風連朝吹萬柴去謂我此筆有神怪德州咒雪三日

來七百里外琉璃界紛紛未已滕六舞焱焱不聞大塊
噫去忝谷遙知氣已春燕山近挹明如晝嗟爾悠悠尙
行邇詩境雪境良不隘吾謂此乃天心仁

仁聖格天爾百拜四日舉趾爾田畯三月苗畚爾保介
出耕農發盡沾濡八土神漿真沆瀣豈知

宵旰此精神供爾茅簷萬家快願爾逢年力爾田
聖人之德無遠而弗届

同懷弟彌光樸園編輯

子尙忠春卿

尙志任卿校字

石雲山人詩集卷十五止

石雲山人詩集卷十六

湘藩詩存

辛卯

南海吳榮光伯榮

潘芝軒尙書師詩送之楚和韻奉答

慚愧公家衣鉢傳風塵奔走髮將宣職原申甫屏藩重

人豈由求果藝賢卅載丹鉛虛誨矩同門珠璞半吟篇

雲泥此去荆襄水可許分嘗六艤鯿時盧厚山同

題潘芝軒師紀游圖點蒼鴈蕩天台匡廬四景

何來文明之氣橫九天吾師大筆輝山川此筆照耀萬
餘里此境飛騰十五年起己未迄癸酉歸來得人報

天子契教稷育登此唐虞篇

曾爲大司農

吾師海內文章祖

十九峯前始行部趨躉妙鬢吉祥雲雲開雪積萬蒼古

采風兩浙奉安興山水文字承歡娛欲訪龍湫諸峇聚

先占台曜六階符是時我亦持篩節向公門下拾槎蘖

丁卯余典試浙江所得士多先出公門下者

說士如山山愈奇金庭天窅鴈

蕩冽匡廬九疊張屏風七賢五老排西東吾師一鑑如

瞳曨我後五年問匡俗

余以辛巳游匡廬

斗筐虹采猶凌空吁

嗟乎文福高深隨輻輳幾人盡攬東南秀直使天地真

如繡今日星辰聽履時當年風雨揮豪候茅茹四國各

登崇調變八方咸在宥披圖我識智仁心烟明霞媚敢
以爲公壽

蔡槐卿比部勲青衫箬笠圖

箬笠芒鞋自在身誰將邱壑置斯人銅環玉枕金鑾夜
可憶山中曉夢真

勞我風塵已二毛紅雲天上記簪毫羨君絕好詞頭筆
猶戀江湖舊釣袍

趙北口

大道長隄柳色新燕南趙北一吟身卅三年此九行役

十二橋今幾去塵水照臣心終自潔風吹客鬢又逢春
王家墳近雄州驛何處高陽叱馭人

雨

用前韻

問雨朝來霖霖新萬家農事一悶身籌車已卜三登兆
籃輦先消十丈塵誰向泥塗期用早我如草木各知春
四千里外湘南路定有滋蘭樹蕙人

陳臯蘭戶部

傳均

見和前詩疊韻答之臯蘭余丁

卯浙榜解元時以改官需次

五日官郵話雨新透遲各感眼前身首行立鵠何年月

兩紀乘驄此地塵闊世松筠能耐歲移時槐柳祝同春
欲呼歸岫癡雲起海內猶多望澤人

魯仲連故里

舉世畏強秦何能無此人千金甯報答一笑却烽塵落
落天下士茫茫東海濱遺書如尚在訪古問比隣

得定武蘭亭敘真本道光辛卯初度禊日用卷中

王士熙韻

神物歸昭陵唐刻遺墨寶乃落琅琊家精靈闕蒼昊鼠
筆廿八行繭紙萬餘擣孜孜永禪師奪取元神保遂令

一片石珍等萬代誥我平宋聚訟卅年窮搜討苦心鑒
其真後者庶有造羊胛幾回熟鴻爪尙未掃輾轉到我
手今日春禊好開卷古人來披襟惠風早跡惟俯仰陳
世亦烟雲渺願守此真拓直到眉髮皓

馬周故里

臣客果能官寂寞獨豸冠書生奇遇有英主特知難章
奏先資獻明良後代看寄言捉刀者莫妄應人干

雨

三月初四日

春氣滿畦町冷風動阡陌昨夜一雨足今朝杏花白總

總農璇動念念神漿格膏我高下腴肥我大小麥坻塲
各染履烟靄尙環柵遠天草樹濛近澗泉流清籃輿前
且却僕夫怨有噴僕夫爾勿怨待命幾蒼赤自聊攝以
西至于郵城驛行者雖蠹沒居者免饑瘠借爾黍稌年
慰我泥塗客

濮州二賢詩

長揖唐虞來臣節日渝替戲則衷袒朝媚則煬竈蔽弱
志者盡明固寵者憑勢昂昂汲長孺憇以事武帝陛下
內多欲何以爲宰制臣黯卧高閣郡事無留滯強藩攝

威稜騎主肅旒綴以此安社稷亦豈殊霍衛直諫夫何
尤誠恐四門閉君原智自雄臣豈亢而戾本無淟汨骨
未顧遇令契懷人春載途百草東風厲汲黯

濮流清且長吾宗吾處默典午尚豪放而獨自矜式哭
母不忍聞舉孝有康伯嫁女何與人移具乃謝石以此
范人倫庶無愧冠烏持節吾州來清風灑芳澤寶玉氣
自華貪泉心不易石崇劫財奴羊愉數錢客七尺紅珊瑚
枝萬貫青銅色紛紛誇富人甯計賊與賊公來珠江寬
公去香浦窄持此一瓣香與公意無隔故鄉六千里照

我春月白

吳隱之

南去

南去四千里籃輿此抗塵嘗騰過驛夢荏苒耐官身齊
楚多遺事風雲見古人迢迢芳草路日夜洞庭春

訪莊子觀瀑處

萬古此流水經過物我人偶然魚樂處聊借塵譚申此
義卽三藐吾生無六塵却思忠恕本天地與爲春

遂有

遂有忙中境遙遲行路歌遠去人高樹小送客落花多

草色飛黃蝶溪光宛白鶯晚烟村落近又見夕陽過

復憶

復憶南中路殘年送我行漫天飛雪影滿地落灘聲此去四千里曾來九十程故園春正好未免悔長征

朱仙鎮岳武穆廟

萬馬千軍河水聲英雄到此竟無成誰呼天問班師詔不殺公難割地盟幾見信讒能用將有人謀敵阻逃兵當時盡望中原復不及書生料事明

蔡中郎墓

虎賁終覺貌言分太尉空言拯救勤威劫已徇千里草
墨光猶照六經文三臺官好如朝露十意才高付夕曛
我有樽前文舉淚爲公搖落灑荒墳

德星亭

偶爾苟陳訪舊來何勞太史爲登臺西湖星宿師儒坐
南浦江山主客杯一代人倫歸里俗兩家天意篤門才
二千年後空亭暮恐有餘光照水隈

穎谷

小人有母日嘗小人之食北望城穎天改色城穎一悔

天不改色小人有獻爲君德面折廷諍臣道窮安得此語婉而工直爲聽者誘其衷小人有母君有母大隧之中奉觴酒融融洩洩樂且久君不見有唐至德之君親可惜時無穎封人

過徐君墓吳公子挂劍處

有鬼睭睭千眼瞋欲殺世上負心人有狐綏綏半夜怨一死一生交情見昔日公子來徐君華堂開今日公子至徐君墓門閉徐君在天心在地心心相印各無二龍泉三尺知交淚吁嗟乎此劍耿耿懸千秋眾孤眾鬼皆

低頭陰風白日聲啾啾

昆陽

一戰功成漢業恢王尋王邑盡庸才可憐大將黃城下
果見真人白水來兜象捲風歸楚戶熊羆扶日上雲臺
中興鴻烈羣黎命留得漁流有淚哀

召堰早食

漢家水土召家堰留我今朝一盃飯我飯非麥卽田禾
芃芃全賴天膏多非惟天膏惟

聖人之恩波力田逢年聽平我歌龍神社鬼各喜怒天

時要將人事補請看盤中殮粒粒皆辛苦農夫之命在
九土安得嘆不斥水不鹵於戲時無繼者趙唐州新渠
之歌欲作且復休

臥龍岡

山勢蟠蟠尚鬱騰大名宇宙感時乘偏安公定三分策
殘局天難兩中興故里明農心未遂中原討賊恨難勝
漢家佐命終巴蜀合置雲臺第幾層

渡清水

雙鳩峯高插清陽龍蛇兩漢戰爭塲行人喚渡日初出

惟有風吹野麥香

樊城口號

踏青南邁正清明看盡陰晴廿四程萬樹花香萬株柳
春風相送到樊城

漢江二首

蒼莽西來接沔濱英豪豎子八州分千秋風笑雌雄賦
百戰山餘大小軍富貴袁劉空郡國死生瑜亮總烟雲
借君一棹三湘去去問湘纍翰墨勲

破竹分花大將威到今浪打又波飛禹功磯畔朝耕出

尉武山前晚釣歸川媚二妃璫解佩天空一老甕忘機
春風有客過沙市欲訪槎頭縮項肥

鸚鵡洲

萋萋芳草怨江湄黃祖徇人豈足悲亂世生才天太忍
奸雄假手汝奚知怒非撾鼓終難免賦到能言本可危
不見渠家詩七步同根猶泣豆燃萁

武昌

長天浩蕩浪如雷用武嚴城幾代開山有鳳皇吳國瑞
洲餘鸚鵡漢家才春風西郭人栽柳夜月南樓客舉杯

我欲乘雲吹玉笛與誰騎鶴看江來

獨秀峯在湖北臬署余以道光癸未調任其地未
到卽遷不獲登覽道光辛卯四月備藩南楚舟

過武昌訪栗樸園

毓美

廉訪登此峯以果前緣

廉訪欲觴余余匆匆南行請俟異日解纜後作

詩寄廉訪

虛領名山執法臺

聖恩今許補詩來前緣遇眼湘波棹後約關心鄂渚杯
草木八年逋客待烟雲一笑大江開問君坐嘯空三圈

看到峯青第幾回

金山口號

楚江風靜浪沄沄浪轉帆隨日暮雲忽覩遠山金字出
一峯三面翠三分

赤壁

萬舶聲摧萬炬焚山河一戰定三分奸雄空羨人生子
天下其惟我使君風借綸巾驅草木月窺營幕有釵裙
將才若並詩才論僅許當歌張去一軍

岳陽樓

雲構嵯峨對洞庭水光風影拍蒼冥西來天岳凌空碧
南湧君山貼浪青終古吟詩誰杜老今宵張樂或湘靈
少年未讀希文記堯舜君民有六經

祭風臺

天公一夜點頭來漢胄當扶漢賊擢名士萬軍巾扇影
大江千古舳艤灰星辰環翊孫劉合鼓角飛騰將帥才
今日垂垂雲水老路人猶識祭風臺

洞庭湖

千波流到此波平孤棹微茫鏡裏行三楚風雲歸汗漫

萬年天地與澄清曾經澤畔聞瑤瑟欲溯陽阿擁翠旌
湘女湘累都寂寞滿湖芳草古今情

查灾詩六首

辛卯六月

赫熾日如焚湏洞水則毀日光與水光相望勞未已痛哉飢溺民轉徙幾百里上迫武溪澑下壅洞庭疾何時湖漲消耕我好隴坻粒我好倉箱歸我好桑梓

四日至龍陽令言民有食旣言民有食胡乃多菜色忽聞萬號聲蒼蒼天影直急爲謀含哺擾攘日已稷壯者尙淚眶弱者但骨殖我爲一路哭効爾令不職

易官放饋粥噉噉者無算當其湯沸時探食不待盃
手豈不知飢腸命欲斷可憐忍餓久未怨得食緩顧我
爲民牧何堪此憤懣重是溝壑深更念室家散

悠悠朗江水賢哉盧明府

詒

拯我五千人拊循而喫咻

上溫溫趙公子

敦詒

紓難發其庾坐令數萬眾感涕零

如雨我來亦何爲一甌共甘苦東望瀼瀼漫南湖資沅

漪

五縣十萬戶口食將難繼我攜八千鎰爲日已不逮是
時水將退亦宜田廬衛亟爾隄防修均爾工段計庶幾

食爾力或免守土戾行行畚鍤起烈烈風日熒

老羸求其殮暴露求其樊發賑不待請可知

聖人恩

聖人念爾飢俾爾益蓋完

聖人念爾溺俾爾衽席安使者職承宣敢告湘澧沅從
今勿揚波多稼宜子孫

同懷弟彌光樸園編輯

子尙忠春卿

尙志任卿校定

石雲山人詩集卷十六止